



1. Lutheri: Martini: Jubelkorn,
1520
2. ————— von dem geystlichen
zu Rom, 1520.
3. ————— sermon, von Althaus
1520.
4. ————— von der freyheit
und geystlichen, 1520.
5. ————— an beyung des 104ten
psalms, 1520
6. ————— sermon, da L. Jung
Königliche Räte, 1520.



**Von men-
schenn lere zu
meyden.**

Antwort auff sprüche so man furet
menschen lere zu stercken.

D. Marti. Luther.

Wittenberg.

M . D . xx . ij



Ihesus .
Allen die die buchlin le-
ßen odder hören / geb gott gnade
vnd verstand Amen.

Ich Martin Luther hab die
kurtz buchle / zu trost vnd erredtung der armen gewissen / so yn
kloster odder stifften / durch menschen gesetz / gefangen ligen /
lassen außgehen . Da mit sie sich rusten vnd stercken kunden /
durch das wort gottis zu bestehen ynn todts nöten / vnd an-
dern anstößen . Aber da neben laß ich wissen / die frechen vns
züchtige köpffe / die yhr Christlich wessen alleyn damit auffwer-
ffen / das sie / eyer / fleysch / milch essen / nicht beychten / bild stur-
men kunden zc. das ich yhm hiemit nicht will gedient haben .
Denn ich acht sie fur die schantparn leutt / die das heer lager /
von Israel besuddelten / so doch gepottē war dem volck solche
zucht / das wenn etwas nott war / solt außser dem lager gehn /
vñ seyn nott mit erdē vergrabē . Also müssen wy: auch diß vns
saubere widhoppern yn vnserm nest leyden / biß sie got eyn mal
mores lerne . Ich will diße Christliche freyheyte nur den ar-
men gefangen demütigen gewissen prediget haben / das wo ar-
me kinder / nonnen odder munch sind / die gerne erauß weren /
yhr gewissen berichtē mägē / wie sie mit got vñ on far erauß kos-
men / vnd solcher freyheyte zuchtlich vnd Christlich braus-
chen kunden . Gott geb daz seyne gnade . **A M E N**

Das menschen lere zu mey-

den sind/grund auß der schrift.

Der erst. Moses Deuteronomio / das ist/ ym funfften buch am vierden Capitel spricht.

¶ Ihr sollt nichts zu thun zu dem wort/ das ich euch sage/ vnd auch nichts davon thun.

Wirt aber yemand sagen / das Moses rede von seynem wort alleyn. Denn vber Moses bucher sind auch viel propheeten bucher vnd das ganz new testament dazu than. Antwort. Es ist aber nichts neues dazu than/ sondern eben das selb/ das ym Moses büchern stehet/ das steht yn den andern. Denn die andern bucher thun nichts mehr/ denn zeygen die exempel/ wie Moses wort/ gehalten oder nicht gehalten sey / vnd wirt woll mit anderley wortten vnd geschichten beschrieben. Es ist aber alles die selbige eynige lere vnd meynung/ Vnd hie ist zu trotzen widder sie. Das sie ym allen büchern/ auffser Moses bucher/ eyn wort zeygen/ das nicht zu vor ym Moses buch erfunden werd. Denn das ist vngeweyffelt / das die ganze schrift auff Christu alleyn ist gericht. Tu spricht Christus Johā. 4. Moses hat von mir geschriebē/ darüß ist alles yn Moses büchern/ als ym herobt brieffe/ was ym andern büchern ist.

Der ander ist Isaias am

29. vnd der heri zeuchet es an Matt. 14.

¶ Dis volck ehret mich mit seynen lippen/ yhr hertze aber ist ferne von myr. Aber sie dienen myr vergeblich/ das sie leren/ der menschen lere vnd gepott.

Merck das wort Christi das erß vergeblichen dienst heyst/ gott nach menschen leren dienen/ denn Christus ist nicht dienscken noch toucht/ vnd auff seyn wort ist aller dinge zu bauen für alle engel vnd creaturn.

Der dritte ist.

Der selbige Christus/ ym selbigen capitel Matt. am. 14.

¶ Was zum mund eyngchet / das macht den menschen nicht vnreyn / sondern was zum mund auß gehet das macht den menschen vnreyn.

2_4

Dissen außspruch vñ vñteyl soll man wol fassen/denn er ist mechtig/vnd stößet mit gewallt ernydder alle lere/brauch/vñ leben yn vnterscheyd der speyßen/vnd macht frey alle gewissen von allen gesezen/ober speyß vñ tranck/Vnemlich/das es frey ist/milch/putter/eyer/leße/fleysch zu essen auff alle tage/es sey sonntag odder freytag/fasten odder aduent/vnd darff niemant puttergelt eynlegen/odder Brieff dazzu lösen.Denn es stehet fest diß wort vnd treuget nicht.Was zum mund eyngehet/macht den menschen nicht vnreyn.

Darauf folget zum ersten/das erlogen ist/das man sagt/S. Peter hab die fasten eyngesetzt/vnd sey eyn gepott der kirchen/bey eynet todsund nicht eyer/putter/milch/fleysch d'ynnē essen denn S. Petrus odder die kirche setzt vnd leret nichts widder Christon.Vnd ob sie es thettē/were yhn nicht zu folgen/nicht das es böße sey zu halten/aber böße ist/s eyn nott vnd gepott drauß machen/das doch frey ist/Vnd fur geben es mache vnreyn vñ sey sund/das doch Christ⁹ selbs sagt/es sey nicht sund/vnd mache nicht vnreyn. ¶ Zum andern folget das lautter bußerey des teuffels ist/das der Papst/brieffe verkaufft vñ laube gibt/putter/fleysch zc.zu essen/so es zuvor frey ist von Christo ym dißem spruch geben vñ erlawbt. ¶ Zum dritten ist auch yrrhum vñ lügen/das mā goltfast/banfast/Apostoll vnd der heyligen abent fasten/nottig macht bey eynen sunden/als eyn gepott der kirchen/denn es stehet/widder solchs alles/diß wort Christi/Was zum mund eyngehet/macht den menschen nicht vnreyn/Sondern die fasten soll frey/willd'ig seyn/der tage vnd der speyße halben ewiglich. ¶ Zum vierden sind die orden/S.Benedictus/Bernhardus/Charthuser/vnd alle ander/die da meyden fleysch vnd des gleychen/auß nott vnd gepott als sey es sunde/widder Christum.Denn yhr dincf saget nicht anders/denn stracks widder Christus mund/also/Was zum mund eyngehet/macht vnreyn/Vnd Christus muß yhr lügner seyn/da er sagt/Was zum mund eyngehet/macht den menschen nit vnreyn.Vnd also sibestu/das diser eyniger spruch Christi mechtiglich verdampt alle orden vñ gleystlich regiment.Denn so das nicht vnreyn macht/das zum mund eyngehet/wie viel weniger wirt vnreyn machen das an den

leyb gelegt wirt: es sey kuttten, rock, hembd, hosen, schuch, mā-
tel, grün, gel, blaw, rod, weyß, bund, wie man will, desselbigen
gleychen auch die stette, als kirchen, cellen, hanß, kamer.

Szo folget, das wer es fur sund hellt, ob eyn münch außzer
seyns ordens kleyd gienge, vnd wolts nicht frey seyn lassen der
macht Chrustū aber mal zum lügnen, vnd setz sund darauff, da
sie Chrustus abethut / vnd sprucht, ia, da Chrustus neyn sagt.
Was sind denn nu solche münch fur leut anders? denn die
stracks Chrusto yn seyn angesicht sagen, du leugist, Es ist sund
da, da du sagist, es sey nicht sunde. Es hilfft nicht / das sie
S. Bern. Greg. Francis, vnd meh: heyligen wollen auffbringen.
Man muß Chrustū hören, was der sagt / wilcher alleyn ist zu
Doctor gemacht vom vatter auff dem berge Thabor / da er
sprach Matt. 17. Diß ist meyn lieber son an dem ich eyn wolz
gefallen habe, den höret. Er hatt nicht gesagt, Höret Bernhar.
Greg. 2c. sondern, den höret, den, den, den, meynen lieben Sohn
Wer weyß wie die heyligen hyrinn / gesündigt oder recht than
haben: Sie habens nicht auß nott vnd gepott gehalten, haben
sie es aber auß nott vnd gepott gehalten, so haben sie geyret,
vnd yhu ist nicht zu folgen, vnd Chrustus zu lassen.

Diß alles bestetiget, das Chrustus am selben ortt Matt. 14.
folget. Was auß dem mund gehet / das macht den menschen
vnreyn / denn auß dem mund gehet von dem hertzen / böß ge-
danken, bulerey, ehebuch, dieberey, lügen, lesterung 2c. Solchs
macht den menschen vnreyn. Wie fragen wy: so das alleyn
sund vnd vnreyn ist, das auß dem hertzen gehet / wie hie Chri-
stus mechtiglich ortert vnd schlenst, wie kan den putter, milch,
eyer, kesse vnreyn machen, das nicht auß dem mund noch her-
zen, sondern auß dem bauch der kue vnd hennen kompt: Wer
hatt yhc gesehen, fleysch, platten, kuttten, kloster, heryn hembd,
auß dem mund gehen: Es müsten die kue sundigen / das sie
milch vnd putter geben vnd kelber tragen.

Darumb ist nicht alleyn, gott lesterung, vn liegen, vnd trie-
gen, sondern recht narren werck vn affen spiel, aller münchen
vnd menschen geset, von speyssen, kleydern, vnd stetten vnd
allem eufferlichem ding. War ist, das yemand kan eyn böße
lust haben zu vbigem essen vnd kleydern / aber das gehet auß

dem hertzen / vnd kan eben so woll an fischen als an fleysch /
an grauem tuch / als an rodem sammet geschehen. Summa
summarū Christus leuctet ynn diesen worten nicht / Was zum
mund eyn gehet macht nicht vnreyn / was aber zū mund auß
gehet / das macht vnreyn. Wenn aber das war ist / das
solchs nicht vnreyn noch sund ist / so man leset / was mensche
gepott ist / so muß widderumb auch nicht reyn noch verdienst
seyn / wen mans helt vñ thut / Syntemal alleyn / das reyn vñ
verdienst ist / das der sund vñ dem vnreynen entgegen ist. Dar
umb ist ynn aller munchen leben / widder reyn noch verdienst.
Das meynet auch der heri Christus / da er sagt Matt. 14. Ver
geblich dienen sie mir mit menschen gepotten. Warum ver
geblich. Nemlich darumb. das nachlassen keyn sund / vnd hal
ten keyn verdienst ist / sondern alles frey / darumb betriegen sie
sich selb / vñnd machen verdienst / da keyner ist / vñnd furch
ten sich fur sunden / da keyne ist / wie der. 13. ps sagt / Sie furch
ten sich da keyne forcht ist.

Der vierde ist S. Paulus

ynn der ersten Epistel zu Timotheo am vierden

Der geyst sagt klerlich / das ynn letzten zeythen ettlich
werden vom glauben tretten / vñnd achten auff die yrigen
geyste vnd leren der teuffell. Durch die falscheder ynn gleyss
nerey / vnd die eyn brandmal haben ynn yhem gewissen. Vnd
verpieten ehelich zu werden / vñnd zu meyden die speyse / die
gott geschaffen hatt zu nemen mit danck sagung den glawbi
gen / vnd denen / die die warheyt erkennen haben. Denn alle crea
tur gottis ist gutt / vnd ist nichts verwerfflich / was mit danck
sagung genommen wird / Denn es wirt geheyliget / durch das
wort gottis vnd gepett. Wenn du solchs den brüder furlegist /
so wirstu ein guter prediger Christi seyn / auffgezogen mit wor
ten des glawbens vnd gutter lere / die du erlangt hast. Der vñ
geweyheten aber vnd altpetliche fabeln entschlah dich.

O wilch eyn donner vnd wetter ist das / ober alle menschen
werck / leren / vnd o:den. Auuffs erst / wenn sie rhümen yhr dinc
kom vom Bapst vñ heyligen veteren / Was wirt Christus dar
ober richten. Wirt er nicht also sagen. Paulus meyn Apostol

ist meyn außewelter rüstzeug / wie Lu. schreybt yn den Apostel
geschichten. 9. Warumb habt yhr denn seyn wort nicht lassen
mehr gelten / denn des Bapt vnd der veter / die yhr nicht wisset
wes rüstzeug sie sind: Wie werden sie da bestehen?

Auffs ander / fragen wy: sie / ob nicht putter / eyer / fleysch / milch
vnd alle speyße / die sie meyden an den fast tagen vnd ynn den
orden / gott geschaffen habe / vñ gotis creatur sind: Tu / so ist
gewiß / das sie die sind / von denen hie Paulus sagt / das sie ver-
pieten die speyße die gott geschaffen vñ den glawbigen zu bran-
chen geben hatt / vnd verpieten den ehelichen stand dazu. Also
das sie nicht fur vber kunden / diser spruch trifft vñ meynet sie /
Tu laß sehen / was Paul⁹ von yhn helt vnd wie er sie taddelt.

Zum ersten / sind sie abtretten vom glawben / denn es were
vnmüglich / das sie solche lere vnd werck auffrichten / wenn sie
nicht da durch gedechten frum zu seyn vñ selig zu werden.
Solcher wahn aber ist schon eyn gewiß zeychen / das sie vom
glawben sind abtrunnig worden / syntemal alleyn der glawbe
das thun soll / das sie an den wercken suchen / wie offt gesagt ist.

Zum andern / achtē sie auff yrige geyster / er spricht nicht auff
yrige menschen / sondern auff yrige geyster / das sind die da
geystlich ding fur geben / vnd geystlich sich heysen lassen / vnd
yhr weßen soll auß dem geyst vnd ynn den geyst seyn. Weyl sie
nu glawblos sind / ist nicht möglich / das sie nicht yrē soltē yn
geystlichen sachen. Darumb folget es feyn auff eynander / ab-
tretten vom glawben vnd folgen dem yrrhum ym geyst.

Zum dritten / yhr lere nennet er teuffells leren / das muß auch
folgen / wo glawbe vñ der ware geyst nicht ist / da gibt der
teuffell cyn den yrigen geysten vñ furet sie mitt hubsch gefe-
beten leren vnd wercken / das sie sich duncken lassen / sie sind zu
mal geystlich. Aber weyl die lere nicht auß der schrifft fleusset /
kan sie niemant anders / denn des teuffels seyn.

Zum vierden / sind sie falsch reder / denn sie furen vñ zwin-
gen auch zu weylen / die heylige schrifft / vnd der veter spruch /
auff yhr lere / wie wy teglich an yhn sehen. Aber das ist falsch
vnd erlogen / syntemal die schrifft auff hohist widder sie ist.

Zum funfften / ist eytell gleyssenerey. Das ist war / vñ
darff keyner gloßen / denn alles yhr weßen ist nur eyn scheyn vñ

gleyssen/ ynn enßerlichem wandell der speyße vnd kleyder.

Zum sechsten/haben sie eyn brand mall ynn yhrem gewissen das ist/eyn vnnatürlich gewissen/denn da keyne sund sund gewissen ist/da machen sie sund vnd gewissen wie d:oben gesagt ist/gleych wie ein brandnarbe eyn vnnatürlich mal ist/am leyß

Zum siebendē/ Verpieten sie die ehe/damit/das sie solchen stand auffrichten / der on ehe seyn soll/ wie wy: sehen beyde an pfasses vnd munchen/Darumb sihe hie das vrteyll gotis vber solche lere vnd stende/das es teuffels leren/ yrrige leren/falsche leren/vnglawbige leren/gleyßnische leren sind. Hilff gott/wer will darynnē bleyben/wenn selb solch vrteyll feller: Was hülffs das du tausent gelubd vnd eyde than hettist auff solche leren:

Ja yhe heriter das gelubd ist/yhe mehr es zu reysen ist/weyll es auff teuffels leren widder gott geschehen ist. Aber sihe zu wie seyn drehen sie sich auß/vñ wenden dießen spruch von sich sagen er gehe sie nichts an/ sondern die Tacianer die ketzer/die den ehelichen stand aller ding verdampfen. Aber Paulus sagt hie nicht von den/die den ehestandt verdammen / sondern die yhn verpieten / vmb gleyßnerrey willen / das sie geystlich seyn wollen. Es sey aber also/das S. Paulus wider die Tacianer rede. Wenn aber der Bapst thutt / das die Tacianer thatten/warumb solts nicht auch auff yhn gesagt seyn: Es sey Tacianer odder Bapst/so seynd sie hie troffen/die die ehe verpieten. Die wort Pauli/verdammen das werck on vntersheyd der person/Wer die ehe verpeutt/ß ist des teuffels iunger vñ Apostel wie die wort klerlich lauten. Weyl denn das der Bapst thutt/so muß er des teuffels iunger seyn mit allen den seynen / odder Sanct Paulus liegen.

Zum achten verpieten sie speyße die gott geschaffen hatt/ Da sihstu aber mal/das menschen lere / dem teuffell geeygent werden von gott selbs durch den mund Pauli: Was wiltu größers vnd grewlichers hören von menschen leren:denn das es abtrünnig ding ist/vom glawben/yrig / falsch / teuffelisch/gleyßnerisch. Wüchen diser spruch nit gnug ist/was mag den gnug seyn: Ist aber die lere von speyße verpieten teuffelisch vñ vnchristlich/so wirt die von den kleydern/platten/stetten vñnd allem eußern wandell/eben so wol teuffelisch vnd vnchristlich seyn. Aber die

Aber hie drehen sie sich abermal auß/sagen. S. Paulus redt von den Manicheer. Da fragen wir nichts nach. S. Paulus redet von den speyße verpietern/das thut d Bapst mit den seynen/ehr sey eyn Manicheer oder Tacianer/Pau. sagt vñ werck/das wir am Bapst sehen. Dumb kundē wir den spruch nicht von yhm wendē. Wenn heutt oder morgen eyn and auffstund/ vnd verpöt auch die speyße/solts dumb nicht von yhm gesage seyn/ob er keyn Manicheer were? mit der weyße/mocht mā frey thun/was Paulus hie verpeutt/ vnd sagen es treffe vns nicht/ sondern die alten Manicheer. Nicht also. Ist d Bapst nicht eyn Manicheer mit seynen Mönchen vnd Pfaffen/das laß ich seyn. Ich sage aber gleych wol/das er thut vnd leret wider S. Paulus lere / also fast als keyn Manicheer.

Zum neunden/sind sie vndanckbar/denn gott hatt die speyße geschaffen(spricht hie S. Paulus) das man sie mit danck(sagung entpfahen soll. Das schlahē sie auß/auff das sie ia nicht danckbar seyn müssen gottis güttickeytt. Das macht sie sind nicht glerobig noch erkennen die warheytt nicht/denn Paulus spricht/den glerobigen vnd den die erkennen haben die warheytt sind sie geben zu brauchen mit dancksagung. Sind sie aber unglorobig vñ erkennen die warheytt nicht/wie sie hie S. Paul. schilth / so sind sie gewislich /heyden/vnchristen/ blind vñ vnweyße. Das heyst/meyn ich yhe/den Bapst/Pfaffen/Münche/loben.

Zum zehenden/sind sie böße schedliche prediger von yhn gestaddelt. Denn er spricht hie Timotheus sey eyn guter prediger/mit wortten des glawbens vnd guter lere auffertogen. Wo er solchs furhallte den brudern/ so müssen yhe de widerumb böße prediger vñ mit wortten des unglawbens vñ bößer lere auffertogen seyn / die das widderpiel leren.

Zum eylfften/nennet er solch lere/ungeweyhete/alltuetelsche merlin. Ist das nicht nerlich geredt? Die grossen lerer gehn mit merlin vmb/da die alltē vetteln hynder demoffen von klaffen/vnd ist ungeweyhett/ungeystlich/vnheylig/geschwertz/so doch sie eyttell heylickeyt drauß machen. Weh! hat nu menschen lere yhe gehöret so grewlich auff alle weyß taddeln. Das sie/abtrunnig/unglorobig/vnchristlich/heydnisch/yrig/teuffelisch/

B

falsch/gleysnerisch/verseerlich/am gewissen/undäckbar/wider die ehr vnd gottis creatur/ schedlich sabeln vñ allt vettelsch geschwezt sind. Fleuch wehr flyhē kan auß diesem vrt Eyl gottis.

Der funfft ist abermal S. Paulus

zu den Colosszern ynn dem andern Capitell.

Laß euch niemandt gewissen machen vber der speyße odder vber dem drancf/ odder vber eynß teylls tagen/ die da fest/ odder new mondē oder Sabbather sind. Wilchs ist der schatten des zu kunfftigē. Der leyß ist aber ynn Christo/ laß euch niemandt das zill verrucken/ der auß eygener wal eynher geht ynn demut vnd geystlickeyt der Engell/ des er keynß nie gesehen hatt/ vmb sonst auffgeblasen ynn seynem fleyschlichen syn/ vnd helt sich nicht am herobt/ auß wilchem der gantz leyß/ durch die gelenck vnd fugen/ handreychung entpfehet vnd sich an eynnander enthellert/ vnd also wechselt ynn eyne grosse die gott gibt. Szo yhr denn nu mit Christo gestorben seytt/ von den elementen d welt. Was laßt yhr euch/ als lebetet yhr/ mitt sartzungē gewissen machen: Die da sagen/ das soltu nicht anruren/ das soltu wyder essen noch trincken/ das soltu nicht anlegen/ (wilchs doch alles sich vnterhanden verzehret) nach den mēschen gepottē vnd leren/ die eyn scheyn haben d weyßheyt/ durch selbvelete geystlickeyt vnd demut/ vñ durch das sie des leyßes nicht verschonē/ vnd an das fleysch nicht kost wenden zu seynen nooddurfft.

Redet hie S. Paulus auch von den Manicheer oder Taciener: odder kan man hie fur/ die Papisten entschuldigen? Er redet ia widder die/ so die gewissen sargen mit mēschen leren/ vñ machen gewissen vber der speyß/ tranck/ kleyder/ tage/ vñ allem was eußerlich ist/ wilch man nicht leuckē kan/ das der Papst stift/ vñ klöster thun/ mit yhren regellen vñ statuten/ da sie weren nicht fleysch/ eyer/ putter/ essen/ gemeyne vnsonderbare kleyd gtraen. Tu steht hie Paulus vnd spricht. Auffs erst.

Laß euch keyn gewissen machen/ richten/ vrteylen oder verdammen/ ynn der speyße/ tranck/ kleyd/ tage/ Was ist das gesagt? Denn seytt keyne pfaffen noch münche/ vnd hallt des Papsts gesetze ia nicht/ glewbt yhm auch nicht/ das es sund odder gewissen sey/ was er fur sund auff gibt. Sihe also gepeytt gott

durch Paulon/des Papst vnd der Klöster gesetz/verachten/vñ
frey zu hallten/das sie nicht die gewissen fangen. Das ist yhe
so viel gesagt/werdet nicht münch noch psaffen/vnnd wer es
worden ist/der kere widder/ odder hallte solch ding frey vnd on
nott des gewissens.

Vnd wie wol ditz von den Juden gesagt ist/die nach dem
gesetz Mosi solchs hiellten. Denn er spricht / Solchs sey der
schatten vnd figur gewesen des zukunfftigē/der leyß aber selbs
ist ynn Christo/so gillts doch viel mehr wider des Papsts vñ
der münche sagung/denn so das auff höret/das gott gesagt
hatt vnnd soll nicht mehr die gewissen pinden / Wie viel mehr
soll von menschen nichts auff satz noch gehalten werden/das
die gewissen pinde. Auch wirt weytter hernach folgen/von den
lautter menschen gesetzen/ Nemlich. Aufß ander spricht
er. Last euch nicht das zill verucken odder neben laufft zu
richten nach dem kleynod. Was ist das anders/ denn vñ glau
ben/der da ist alleyn der eynige rechter weg zum kleynod der sel
lickeytt zurlauffen/auff die werck furen/vnd durch andere we
ge gen hymel streben / vnd surgebenn das sey die bān zum kleyn
nod/wie denn die orden vnd Papsts leren thun. Was geben sie
aber fur wege für: Höre zu. Aufß dritt spricht er/yñ selb
erweleter demutt vnd geystlickeytt der Engell/wie hett er die or
den bass kund treffen: Ist nicht also: Das der Papst vnd sie
alle yh: geplere von yhrem gehorsam treyben/ das soll die edliff
tugend seyn / das ist die thewie geystliche demutt der Papisten.
Aber wer hatt sie gepotten: Sie selber haben sie erfunden vnnd
erwelet/sich selb zu verfürren. Denn damit haben sie sich selb
außzogen/ auß der gemeynen demutt vnd gehorsam/ die gott
gepotten hatt/das eyn iglicher dem andern sich demütigen vnd
vnter thun soll. Sie aber sind keynem menschen auff erden vnt
erthan/sondern ganz außzogen/ vñ haben eyn eygen gehor
sam vnd demutt angericht/nach yhrem statuten. Doch geben
sie fur/ yhrem gehorsam sey vber menschlich/ volkomlich/vnnd
gleych Engelisch / so keyn vngheorsamer vndemuttiger volck
auff erden ist/denn sie. Des selbigē gleychen/haben sie auch ge
lust d kenscheyt vñ armut/ sind nicht in erbeyt wie and mēschē/
sö dern/wie die Engell ym hymel/lobē vñ dienē sie gott tag vñ

nacht/vñ kurtzlich yhr lebē ist himlisch/so doch kein greulicher vnkeuscheyt/kein grosser reychtum/kein vnandechticher hertzē/kein verstockter volck auff erden ist/ denn ynn dem geystlichem stand/ wie yderman sibet/ noch firen sie alle wellt von der ban auff den neben gang/mit yhrem selbst erwolltem schonen geystlichen englischen leben. Dis alles meyn ich sey ia nicht von Iuden noch von den Manicheer gesagt/ sondern von den Papisten/das zeygen die werck.

Auffs vierde/spricht er. Er tret eynher/in solcher geystlickeyt/ vnd ynn dem/das er nie gesehē hatt. Das ist/das aller ergist an menschen leren vñ leben/das es on grund on exempell d schrifft gehet. Vnd sie nicht wissen mugen/was sie thun/obs gutt oder böse sey / denn aller yhier wandell steht auff ebentheur. Das wenn du sie fragist / ob sie gewis seyen/ das yhr ding fur gotte genhem sey/ so sprechen sie/sie wissens nicht/sie mussens wage auff eyn ebentheur/geredts/so geredts/vnnd müssen das auch also sagen/syntemal sie on glawben sind. Wilcher alleyn ons gewis macht/das alle vnser weße gott gefellet/nicht auß verdienst/sondern auß gnaden. Also ist all yhr demut/gehorsam/vnd gantz geystlickeyt/wenn sie gleych am besten ist/vngewis vnd verloren.

Auffs funfft/umbsonst blasse sie sich auff / das ist/sie habes nicht ursach/denn ob sie wol vngewis/vnglewisch/vñ eyttell verdamlich wesen firen/dennoch dürffenn sie sich auffblasen vñ surgeben yhr wesen sey das beste vñ alleyn der rechte weeg/das aller ander leben fur yhn styncket vnd nichts ist/aber solchē auffgeblasen fleischlichen synn sehen noch fulen sie nicht/fur grosser Engelischer demutt vnnd gehorsam. **O** der frucht menschlicher lere.

Auffs sechst/hallten sie sich nicht am heubt Christo/denn es ist vnmuglich / das menschen lere vnnd Christus sollten eynes seyn. Es muß eynes das ander auffheben. Tröst sich das gewissen auff Chastum/so muß der trost auff werck vñ lere fallen. Tröst sichs auff werck/so muß Christus fallen. Es mag vnd kan das hertz nicht auff zweyerley grund sich bawen. Eyn er muß verlassen werdenn. Tu sehen wy / das der Papisten ganzer trost auff yhrem wesen steht. Denn wo er nicht drauff

stunde/so achten sie seyn nicht/vñ lieffen es faren/oder brauch-
ten seyn frey/ wie vnd wenn sie wollten.

Wenn nu keyn ander vnglück an menschem lernen were/so
were leyder dieses alzu groß/das man muß Christum droß ver-
lassen/ vñnd das herobst verlieren/vñnd das hertz auff solchen
grewel bawen. Darumb nennet S. Petrus/ die orden greulich
vñ spricht. Es sind secten der verdammis/die Christum verleu-
cken/vñ saget ym der andern Epistell ym ander Capitel also.
Es werden vnter euch komen falsche lerer/die da neben eynsuren
werden secten der verdammis/vñ den hern/der sie erkauft hatt/
verleucken.

Zuffs siebend/ Istis klar gnug wie er mit den wortten/vnser
geystliche meynet / da er spricht / so yhr mit Christo gestorben
seyt. Was lasset yhr euch mit satzügen gewissen machē? Nem-
lich das solltu nicht anruren/ das solltu nicht essen/das solltu
nicht tragen zc. Wer kan hie leucken/das gott durch S. pavel
verpeutt/alle menschen lere zu leren vnd zu hören / so ferne sie
das gewissen nöttigen? Wilcher kan denn nu mit guttem ge-
wissen/ Eyn Münch/Pfaff /oder vnter dem Bapst seyn: Sie
müssen yhe bekennen / das yhre gewissen / mit solchen gesezen
gefangen sindt. Also sihestu/ wilch eyn mechtiger spruch diß
ist/widder alle menschen lere/das erschrecklich zu hören ist/das
sie Christum das herobst lassen /den glawben verleucken/vñnd
also heyden werden müssen/so sie doch meynen/die wellt stehn
auff yhrer heylicheytt.

Der sechst ist abermal Paulus zu

den Galatern am ersten Capittell vnd spricht.

So auch wir selbs / odder eyn engel vom hymell euch verkun-
diget vber das / wir euch verkundiget haben / das sey eyn bane.
Vnd wie wir gesagt haben/so sage ich noch eynmal. So ye-
mand euch verkundiget vber das yhr entpfangen habt/das sey
eyn bann.

Hie hörstu eyn vteyli gottis vber Bapst / vnd allen men-
schen lere/das sie ym ban sind. Tu ist diser ban/nicht wie des
Bapsts bann/sondern ewig/vnd sondert von gott/von Chri-
sto/von aller selicheytt/ vñnd von allem gutt/vñnd macht des

B ij

teuffels genossen. Es wilch eyn grewlich vteyll ist das.

Tu sihe/ob nicht Bapst/pfaffen vnd münchen verkündigē vnd leren anders vñ vber das von Christo vñ seynen Aposteln geleret ist. Drogen ist gesagt/das Christus leret/was zu mund eyngelhet/macht den menschen nicht vnreyn. Da widder vñ vber/spricht Bapst/pfaffen vñ münch/ Du leugist Christe/was du sagist. Denn fleysch essen macht eynen Carthuser vnreyn vnd verdampft yhn/ also auch der orden gleychen. Sihe/ heyst das nicht/ starck's Christon ynß maull schlagen / lügen straffen vnd lestern/vnd anders leren/denn er geleret hatt: Darumb ist das vteyll recht/das sie ewiges Bannes/ als die gottis lestere/ verurteylet vñ verdäpft werde/in yhier grossen heyligeyt.

Der siebend ist abermall Paulus

zu Tito vnd spricht am ersten Capittel.

Here sie/das sie nicht achten auff Judische fabeln vnd menschen gepott/die ab wenden die warheytt.

Sihe da/das ist eyn starck gepott/man solle schlecht nicht achten der menschen gepott. Lieber ist das nicht helle gnug: vnd gibt vrsach. Sie abwenden die warheytt/spricht ehi/ denn wie auch droben ist gesagt. Eyn hertz kan nicht zu gleych auff Christum sich verlassen vñ auff menschen lere odder werck. Darumb so bald man auff mēschen lere sellet/so wendet man sich von der warheytt vñ acht yhi nicht/ widderumb wer auff Christum sich tröstet/der kan menschen gepott vñ werck nicht achten. **Tu sihe zu/wilchs bann du am meysten furchten salt/** der bapst vñ die seynen werffen dich ferne hynder die helle/so du yhi gepott nicht achtist. Vnd Christus gepentt dyr/du sollte sie nicht achtē/Bey seynē ban/dencke nu wilchē du folgen wilt.

Der acht ist Petrus in der andern

Epistell am andern Capitel vnd spricht.

Es werden falsche lerer vnter euch komen/ die da neben eynsua ren secten der verdammis/vnd den hern der sie erkauft hatt verlecken/durch wilche der weg der warheytt wintte verlestert werden/vñ mit ertichten wortten durch geytz werden sie vmb euch hantieren.

Sie da/die orden vnd stift sind secten der verdammis/ woher
da her/das sie Christum verleucken/ vnd verlestern den weg des
glawbens. Womit damit/ Christus spricht. Es sey keyn sund
noch gerechtickeit/ ynn essen trincken/ kleyden/ stetten vñ men-
schen wercken. Das straffen sie/ leren vnd leben/ es sey sund vnd
gerechtickeit drynnen/ so muß Christus liegen/ verleuckert vnd
verlestert seyn/ mit seyner lere vnd glawben. Noch gehn sie mit
ertichten wortten vmb/ vnd geben gehorsam/ keuscheytt/ gottis
dienst fur/ aber nur auß geysz/ damit sie vmb vns hantiren/ bis
das sie aller welt gütter zu sich bracht haben/ alse die da yder
man gen hymel mit yhem gottis dienst helffen wollen. Dar-
vmb sind es vñ bleyben secte/ der verdammis vnd gottis lesterung.

Der neunde ist abermall Christus

Matthae am vier vnd zwenzigsten/ vnd spricht.

So euch denn yemand wyrt sage. Sibe hie ist Christus/ oder
hie/ so glewbt nicht/ denn es werden auff stehn falsch Christen
vnd falsche propheten/ vnd geben grosse zeychen vnd wunder/
das auch / so es möglich ist/ die außewelt vñ yren werden.
Stehet da ich habß euch zuvor gesagt / wenn sie nu zu euch
sagen/ sibe da/ er ist yn der wüsten/ so gehet nicht hyn auß/ sibe
da/ ynn den kellen/ so glewbtß nicht.

Sage wie kan eyn Mönch selig werde? Er bindet yhe sey-
ne selickeit an eyne stett/ vnd spricht hie ist myr Christus/ wenn
ich hie nicht bleybe/ so were ich verloren. Christus aber spricht
meyn/ ich byn nicht hie. Wer will die beyde eyniß machen? Da-
rumb istß klar/ auß diesem wortt Christi/ das alle lere / die das
gewissen an stette binden / sind widder Christum / lest er aber
das gewissen nicht an stette binden/ so lest erß auch nicht an
speyß / kleyder / geperde vñd alles eußerlich binden. Das
keyn zweyßell ist / dieser spruch rede vom Papst vñd sey-
nen geystlichen/ vnd Christus selbs hie absoluir vnd auscheret
alle pfaffen vnd münch/ ynn dem/ das er verdampft alle orden
vnd klöster/ vnd spricht. Glewbt nicht/ gehet nicht hyn zc.
Eben die meynung saget er auch Luce am 17. Das reych gottis
kompt nicht mit eußerlichen geperden/ vnd man wirt nicht sa-
gen. Sibe/ hie istß/ sibe das istß. Denne sehet da/ das reych got-

Es ist ynwendig ynn euch. Ist das nicht auch klar genug? In
Kunden yhe mensche lere nichts anders / denn eußerlich ding or
den / weyl denn gottis reych nicht eußerlich ding ist / so müssen
sie seyn feylen / vnd yren / beyde lerer vnd schüler. Es hilffts sie
auch nichts / das sie sagen / Heilige veter habē die orden gefuret /
denn Christus hatt den behelff schon vmb stossen / die weyll er
spricht. Die außeweleuten mochten verfuret werden / das ist / sie
werden yren / aber nicht drinnen bleyben. Was were es sonst für
eyn sonder groß yrthum. Wenn die außeweleuten nicht yreten?
Es sey nu der heyligen lere vnd exempel wie es sey / so sind Chri
stus wortt gewiß vnd klar. Dem müssen wir folgen / vn nicht
den heyligen / der lere vnd werck vngewiß sind. Es stehet fest /
das er spricht. Das reych gottis stehet bynnen euch / vnd nicht
eußer euch hie odder da.

Der zehend ist Salomon am

dreyszigsten ynn seynen sprüchen.

Alle wortt gottis sind durch ferwert / vnd eyn schild / allen die
drauff sich vertrösten. Setze nichts zu seynen wortten / auff
das ehi dich nicht straffe / vnd werdest lügenhafftig erfunden.

Das sey der beschluß auff diß mall / denn es ist noch viell
mehr ynn den propheten / Sonderlich yn Iheremie / Da von ich
ynn der beycht geschriebenn. So schleust hie Salomon / das
der eyn lügenhafftiger ist / der ettwas zu setzt den wortten
gottis. Denn es soll nur gottis wortt vns leren. Wie Christus
spricht Matt 23. Last euch nicht meyster heysen / eyn meyster
ist ynn euch Christus **A M E N**. da bleybs bey.

Antwortt auff spruche.

So man suret menschen lere zu stercken.

Der erst ist Luce. 10. da Christus spricht. Wer euch höret der höret mich/ wer euch veracht/ der verachtet mich. Des gleyche saget er auch Matt. 10. vnnnd Mar. 6. Hie soll Christus vns zwingen (geben sie fur) das mā yhr menschen gesetz müsse auff nehmen. Antwort/ das ist nicht war/ denn Christus ehe er dise wort redet/ spricht er hart dauor. Gehet hynn vnd sprecht/ das reych gottis ist er bey kommen/ damit verstopfft Christus das maul allen menschen lere/ vnd gibt den Apostell befelh/ was sie leren sollen/ vñ legt yhn das wort selbs ynn den mund vnd spricht/ Sie sollenn vom reych gottis predigen/ Wer nu nicht von gotis reych predigt/ der ist nicht von Christo gesand den gehen auch dise wortt nicht an/ sondern viel mehr zwingen dise wortt/ man solle nicht menschen lere hören.

Nu ist vom reych gottis predigen nicht anders/ denn das Euangelion predigen/ darynnen der glawbe Christi geleert wirt/ durch wilchen alleyn gott ynn vns wonet vnd regieret. Aber menschen lere predigen nichts vom glawben/ sondern von essen/ kleydern/ zeytt/ stetten/ personen vnd von eyttel eufferlichen dingen/ da die seele nichts von hatt.

Sihe nu die frumen hirtten vnnnd trewen lerer an/ wie redlich sie mit dem armen volck sind vmbgangē/ Disen spruch (Wer euch höret der höret mich) haben sie meysterlich erauff zwackt/ vnnnd mit grossen schrecken ynn vns getrieben/ bis sie vns vnter sich bracht haben. Aber das zuuor stehet (prediget vom reych gottis) haben sie gar feyn vorschwigen vnd ritterlich fur vber gespungen/ auff das sie ia nicht zwingē wurden alleyn das Euangelion vns zu predigen/ Die edelen theuren meyster/ man sollt yhn noch dazu dancken.

Item Marci am letzten / da er die iunger außsand zu predigen/ da laßt vns hören wie er yhn befelh thutt vnd yhem lere das zill steckt vnnnd yhre zungen zeumet / vnnnd spricht. Gehet hynn ynn alle welt vnd prediget das Euangelion allen creatur/ Wer glawbt der wirt selig 2c. Er spricht nicht/ gehet hynn vñ predigt was yhr wollet odder was euch recht dunckt.

C

sondern legt yhm seyn eygen wort yn den mund vnd heysset sie das Euangelion predigen.

Item des gleychen Matthei am letzten/spricht er/ Gehet hynn vnd leret alle heyden vnd teuffet sie yn namen des waters vñ des sons vñ des heyligen geysts/ Vnd leret sie halten alles was ich euch befolhen habe. Sihe da aber mal/er spricht nicht/leret sie halten was yhe erfindet/ sondern was ich euch befolhen habe. Drumß muß vnd kans nicht anders seyn / der Bapst/ mit seynen bisschoffen vñ lerer muß eyn wolff vnd des teuffels Apostel seyn/ weyl er nicht Christus Befelh / sondern mit seyn eygen wort leret.

Item also gibt auch der heri Mat. 24. yn der gleychniß mit den dreyen knechtē/antzeygen/ das der hauß vater hieß die knecht nicht mit yhem eygen gutt/ sondern mit seynem gut hantieren/ vnd gab eynem funff pfund/ dem andern zwey dem dritten eyns.

Der ander spruch

ist Matthei. 23.

Da der heri spricht/ Die schrifftgeleerten vnd phariseer sind gesessen auff Moses stuel / Alles nu was sie euch sagen / das yhe halten sollt/ das haltet vnd thutts. Da da (sprechen sie) haben wir macht zu leren was vns recht dunckt.

Antwort/ Ist das Christus meynung/ so stehen wir nicht woll / so mocht eyn iglicher Bapst new vnd mehr gesetz machen / so lang biß die welt die gesetz nicht mehr begreyffen kunde. Aber sie furen disen spruch gleych wie den vorigen/ Was heysset auff Moses stuel sitzen? Last vns fragen/ was hat Moses geleret? Vñ wen er noch heutthe drauff sesse/ was wurde er leren? on zweyffell nichts denn das er vorzeytten leret/ Nemlich gottis gepott vnd wort / er hatt yhe noch nie keyn menschen lere geredt / sondern was yhm gott befolhen hatt zu reden/ wie das fast alle capitell auß weyßen.

Daraus folget / das wer etwas anders denn Moses leret/ der sitzt nicht auff Moses stuel/ denn darumb heysset es der heri Moses stuel/ das Moses lere drauff sollt gelesen vnd geleret werden. Das geben auch die folgende wort/ da der heri

spricht. Aber noch yhren werckē solt yhr nit thun/den sie sagens wol vnd thuns doch nicht/Sie laden aber schwere vñ vntregliche bürden den leuten auff den halß/vñ wollen sie selb nicht mit eynem finger regen.

Sihe da strafft er yhr werck/das sie viel gesetz vber Moses lere/den leuten auff den halß laden/die sie selb nicht an rürē. Vnd darnach spricht. Weh euch schrifftgelerten vnd phariseer yhr heuchler / die yhr spricht / Wer bey dem tempel schweret/das ist nichts. Wer aber bey dem gollt am tempell schweret/der ist schuldig. Ihr narren vnd blinden. Was ist grösser: das gollt odder der tempel der das gollt heyliget: Istis nu hie nicht klar gnug/das Christus yhr menschen lere verdampft: so kan er sie ia nicht bestettiget habē/ durch das sitzen auff Moses stuel. Er hette sonst widder sich selbs geredt. Darumb muß Moses stuel nicht weytter denn auff Moses gesetz/sich strecken/vñnd das sitzen drauff nicht weytter denn auff predigen von Moses gesetz.

So hatt auch Moses von seynem stuel vnd lere selbs gesagt. Deutro, 3. Du sollt nicht ab noch zu thun dem wort das ich dyr sage. Vnd Deutro, 13. Das thu alleyne das ich dyr gepiete vnd thu wider ab noch zu. Dife lere haben sie ia müssen auch leren/auff Moses stuel/ darumb kan Moses stuel keyn mensche gepott leyden.

Der dritte spruch ist S. Au.

gustini ynn dem buch wider den heubibueß der Manicheer der soll also lauten.

Ich glewobte dem Euāgelio nicht/wenn ich der kirchen nicht glewobet. Sihe da (sagen sie) der kirchen ist mehr denn dem Euāgelio zu glewoben.

Antwort/wenn Augustinus gleych hett also gesagt/wer hette yhm die gewalt geben / das woy yhm müsten des glewoben: mit welcher schrifft beweyßet er difen spruch: wie wenn er yrete wie man weyß/das er viel mal gefeylet hatt/ gleych wie auch alle veter: Sollt eyn eyniger spruch Augustini so mechtig seyn/das er die vorigen altzu mal zu rüch treybe: Das wolt got nicht/sondern S. Augustinus soll yhn weychen.

C ij

Deut. 12.

Augustinus 4
Coha Epi. 11
Cap. V.

Item wenn das S. Augustin meynung wäre / so stieß er sich selbst auch umß / denn er gar an viel orten / die heylige schrifft hebt vber aller lerer spruch / vber aller Concilie vnd kirchen beschluß / vnd will sich selbst vnd aller menschen lere noch der selben gerichtet habe. Warumb lassen denn die trewen herten solche sprüche S. Augustin faren / die so hell vnd klar sind / vnd fallen auff diesen eynigen der so tuncell vnd widder Augustinum an allen orten klingt : on das sie yhrer tyranney mit faulen loßen fragen helfen wollen.

Dazu handelln sie als die vorfurer / das sie S. Augustin nicht alleyn cyn falsche meynung aufflegen / sondern felschen vñ verkeren auch yhm seyne wort. Denn S. Augustins wort lautte eygentlich also. Ich glaubte dem Euangelio nicht / wenn mich nicht beweget das ansehen der gäzen Christenheyt. Augustinus redet von der ganzen Christenheyt / da die selbst yn aller welt so eyntrechtig das Euangelion vnd nicht der Manicheer heubt brieff prediget / Bewegt yhn solchs ansehen aller Christen / das erst fur das recht Euangelion hielte. Aber vnser tyrannen heysen diese Christenheyt sich selbst / als were der leyhe vnd gemeyn man nicht auch Christen / vnd was sie leren / das soll der Christlichen kirchen lere heysen / so sie doch das weniger teyll sind / vnd woz auch zuuor als gemeyne Christenheyt drumß gefragt werden sollten / was man vnter dem namen gemeiner Christenheyt leren wolt. Sihe so seyn furen sie S. Augustin spruch / was der von der Christenheyt yn aller welt saget / das soll vom Romischen stuel verstanden werden.

Wie will nu auß diesem spruch folgen / das auch menschen lere seyn zu halten: wilche ist yhe mal erfunden / die von ganzer gemeiner Christenheyt yn aller welt sey angenommen vnd geprediget. Noch nie keyne / sondern das Euangelion ist alleyn also angenommen von allen Christen yn aller welt.

Dazu muß S. Augustinus nicht also verstande werden / als wolt er sonst dem Euangelio nicht glauben / yhn bewegt denn das ansehē gäzer Christenheyt. Denn das wer falsch vnd vnchristlich / Es muß eyn iglicher alleyn darumß glauben / das es gottis wort ist / vnd das er ynwendig befinde / das es warheyt sey / ob schon eyn engell vom hymell vnd alle welt

da widder prediget / sondernn seyn meynung ist die/wie er selb
saget/das er das Euangelion nygent finde/denn ynn der chri-
stenheyt/Vnd das man den ketzern da mit euserlich beweyßent
thun kan/das nicht yhr lere / sondernn diße recht sey / die alle
welt eyntrechtig angenommen hatt. Denn der Ennuchus
grewbt an das Euangelio von Philippo gepredigt vnd wüßte
doch nicht ob viel odder wenig dyan grewbten. Item Abrahā
grewbt an gotis verheßung alleyne/da noch keyn mensch vō
wusste/Vnd Maria grewbt der bottschaft Gabriels auch al-
leyne vnd war niemant auff erden/der mit yhr grewbet. Also
hatt Augustinus auch müssen grewben vnd alle heyligen/ vnd
wyr auch eyn iglich fur sich selb alleyne.

Darumb kan S. Augustinus den verstand nit leyden/
den sie yhm auff legen / sondern muß von der euserlichen Be-
weyßung des glawbens zuuerstehen seyn/das damit die ketzer
gestossen vnnnd die schwachen gesterckt werden ym glawben/
wenn sie sehen das alle welt das prediget vnd fur Euangelio
hallten/das sie grewben. Vnd wo diser verstand ynn S. Aus-
gust. spruch nicht ist/ da istß besser den spruch verleucktet/denn
er ist wider die schrift vnd geyst vnd alle erfahrung/ wo er yhe-
nen verstand behelt.

Zu lezt/ßo sie gestossenn sind mit der schrift / das sie
nicht fur ober kunden/heben sie an vñ lestern gott/vnd sprechē
Ist doch S. Mattheus/Paulus/Petrus auch menschen gewe-
ßen/dumb yhr lere auch menschen lere/ist aber yhr lere zu hal-
ten/ßo hallte man des Bapsts auch. Solch lesterung werffen
ist auch etliche fursten vnnnd bisschoff auß/die doch wollenn
klug seyn. Wenn du nu solche tieff verstockte vnd verblende
lesterer hörst / ßo wende dich von yhn / odder stopff die oren
zu/sie sind nicht werd das man mit yhn reden solt/Wenn das
solt gelten/ßo ist Moses auch eyn mensch gewesen vnnnd alle
propheten. Also mehr last vns zufaren vñ nichts umberal grew-
ben/vnd halltens alles fur menschen lere/ vnd folgen vnserm
dunckell.

Willtu aber ia mit yhn reden/ßo thu yhm also/ sprich
wolan laß S. Paulus oder Mattheus menschen lere seyn/Szo
fragen wyr/wo her denn yhrer gewalt komet/wo mit wollen sie

beweyssen/das sie macht haben zu leren vñ bisschoff zu seyn:
odder wo durch will man wissen wo die kirche ist: Sagen sie
das S. Matt. am. 16. odder S. Paulus hic oder dort hats ge-
setzt. Szo sprich/Es gillt nicht/ es sind menschen lere/ wie du
sagist/du must gottis wort haben/das dich bestettige. Sihe so
findistu/wie sich die verstockten lesterer selbs schenden vñ be-
schliessen mit eygener narhhey/ die nicht so viel kunden vnter-
scheyds haben/das eyn ander ding ist/wenn der mensch selbs/
odder wenn gott durch den menschen redet. Der Apostel rede
ist yhn von gott befolhen/vnd mit grossen wunder bestettiget
vnd beweyset/der ist keyns nie geschehen an menschen lere.
Vnd wenn sie nu bey yhn selbs gewis seyn vñ beweyssen wer-
den/das yhn gott solchs zu leren befolhen hatt/so wollen wir
yhn auch wie den Aposteln glewbe. Ists vngewis d' Apostel
rede/ das sie von gott sey / wer will vns denn gewis machen/
das yhr menschen lere von gott sey: O furor et amentia his se-
culis digna.

Wir aber verdammen menschen lere nicht darumb/das
es menschen lere sind/denn wir wolten sie ia wol tragen/son-
dern darumb/das sie widder das Euangelion vnd die schrifft
sind. Die schrifft macht die gewissen frey vnd verpeutt sie mit
menschen lere zu fangen/so fangē sie die menschen lere. Diffe
zwoytracht vnter der schrifft vnd menschen lere konnen wir
nicht eynes machen. Darumb lassen wir hie richter seyn auch
die iungen kinder/ die weyll diffe zwo lere widderinander sind/
ob mā solle die schrifft (darynn eynereley gottis wort vñ anfang
der welt her geleter ist) oder die menschen lere (die gisteren new
erfunden vñ teglich sich endern) faren lassen/ Vnd hoffen das
das vnteyl soll yderman billichen/das menschen lere soll verlas-
sen vnd die schrifft behalten werden. Denn beyde konnen vnd
mugen sie nicht behalten werden / syntemal sie nicht mugen
eynes werden/ vnd naturlich müssen widderinander seyn / wie
wasser vnd feur/wie hymel vnd erden/ als Isaias dauon redet
am. 44. wie der hymel von d' erden erhohet ist/ so sind mey-
ne wege erhaben von ewern wegen. Tu kan d' ym hymel nicht
gehen der auff erden gehet/widderumb nicht auff erden gehen
der ym hymell gehet.

Darumb entbieten wir den Papisten / das sie ihre lere zu
vor eynis machen mit der schrifft / wenn sie das zu wegen bringe
gen / so wollen wir sie halten / Das werden sie aber nit eher
thun / der heylige geyst werde denn zuvor eyn lügner . Darüß
sagen wir aber mal / Menschen lere taddeln wir nicht darumb
das menschen gesagt haben / sondern das es lügen vnd gots
tis lesterung sind widder die schrifft / wie wol sie auch
durch menschen geschrieben ist / doch nicht von oder
aus menschen / sondern aus gott . Weyl sie
nu widderinander sind / schrifft vnd mens
schen lere / so muß yhe eyne liegenn /
vnd die ander war haben . Es
last sehen wilcher sie auch
selb wollenn die lügen
zu schreybenn .
Das sey dauß
gnug .

••

Faint, illegible text, possibly bleed-through from the reverse side of the page. The text is arranged in several lines and is significantly obscured by ink smudges and paper damage.



- 5 Jan. 1982

16. Jan. 1982

15. Aug. 1983

- 6. Juli 1992

25. Feb. 1993

Fb L 1080

He-18


ULB Halle 3
003 772 233




Sl

2







21
Von menschen lere zu meyden.

Antwort auff sprüche so man furet menschen lere zu sterckenn.

D. Marti. Luther.

Wittenberg.
M. D. xx. ij